

UGOVOR
o pružanju usluge
Lot 1: OSIGURANJE ZAPOSLENIKA OD NEZGODE

Zaključen između Ugovornih strana:

1. UNIVERZITET U SARAJEVU, Obala Kulina bana 7/II, Sarajevo, koga zastupa rektor prof. dr. Rifat Škrijelj (u daljem tekstu: Osiguranik)

ID broj: 4200494560007

i

2. VGT Osiguranje d. d. Alaudin 1, 71300 Visoko, koga zastupa v.d. direktor Majid Avdičević (u daljem tekstu: Osiguravač)

ID broj: 4218241600009

Broj transakcijskog računa: 1990470004226920 otvoren kod Sparkasse Bank d.d. BiH

Ovaj Ugovor se zaključuje na osnovu Odluke broj: 0101-3935-8-LOT.1/17 od 28. 06. 2017. godine o izboru najpovoljnijeg ponuđača, koja je donesena nakon provedenog postupka KONKURENTSKOG ZAHTJEVA ZA DOSTAVLJANJE PONUDA, za koji je dana 09. 06. 2017. godine na Portalu javnih nabavki BiH, objavljeno Obavještenje o nabavci broj: 999-7-2-123-3-19/17 objavljeno je na Portalu javnih nabavki.

I. PREDMET UGOVORA

Član 1.

Predmet ovog Ugovora je pružanje usluge:

Lot 1: OSIGURANJE ZAPOSLENIKA OD NEZGODE

za potrebe i po zahtjevu Osiguranika, u skladu sa Tenderskom dokumentacijom Osiguranika broj: 0101-3935-3/17 od 09. 06. 2017.godine i ponudom Osiguravača broj: 2613/17 od 19. 06. 2017. godine (u daljnjem tekstu: Ponuda Osiguravača), te opštim i posebnim uslovima osiguranja, koji čini sastavni dio ovog Ugovora.

Ugovorne strane će potpisati policu osiguranja, koja će činiti sastavni dio ovog Ugovora.

II. OSIGURANJE ZAPOSLENIKA OD NEZGODE-KOLEKTIVNO-LOT 1.

Član 2.

Kolektivno osiguranje zaposlenika Osiguranika po ovom Ugovoru pokriva posljedice nesretnog slučaja i to za smrt uslijed bolesti, smrt uslijed nezgode, invaliditet i tjelesne povrede, troškove liječenja i dnevnu naknadu za boravak u bolnici uslijed nezgode za sve zaposlenike Osiguranika pojedinačno, a sve u skladu sa Tenderskom dokumentacijom Osiguranika i Ponudom Osiguravača.

Osigurani slučaj podrazumijeva od volje zaposlenika Osiguranika nezavisni događaj koji se desi na poslu i van posla, tokom punih 24 sata bez vremenskog i prostornog ograničenja.

U slučaju nastanka osiguranog slučaja, Osiguravač se obavezuje na slijedeće:

- a) Ako je uslijed nezgode nastupila smrt zaposlenika Osiguranika, isplatiti punu sumu osiguranja za smrt uslijed nezgode, koja je navedena u Ponudi Osiguravača i Polici osiguranja;
- b) Ako je uslijed bolesti nastupila smrt zaposlenika Osiguranika, isplatiti punu sumu osiguranja za smrt uslijed bolesti, koja je navedena u Ponudi Osiguravača i Polici osiguranja;

- c) Ako je uslijed nezgode nastupio potpuni (100%) trajni invaliditet zaposlenika Osiguranika, isplatiti punu sumu osiguranja za invaliditet i tjelesne povrede, koja je navedena u Ponudi Osiguravača i Polici osiguranja;
- d) Ako je uslijed nezgode nastupio trajni invaliditet ispod 100%, isplatiti sumu osiguranja za invaliditet i tjelesne povrede, u procentu koji odgovara procijenjenom procentu invaliditeta, u skladu sa Uslovima za osiguranje lica;
- e) Ako je uslijed nezgode zaposleniku Osiguranika bila potrebna ljebarska pomoć i ako je uslijed toga imao troškove liječenja, isplatiti troškove liječenja koji obuhvataju sve potrebne troškove koje ne pokrivaju fondovi, a liječenje je pokriveno ljebarskim uputnicama;
- f) Ako je uslijed nezgode zaposleniku Osiguranika bio određen boravak u bolnici, isplatiti dnevne naknade za boravak u bolnici, ukoliko je uslijed nezgode nastupila privremena spriječenost za rad osiguranika.

Osiguravač se obavezuje isplatiti zaposleniku Osiguranika slijedeće sume osiguranja u slučaju posljedica nesretnog slučaja i to za:

Smrt uslijed bolesti.....	50.000,00 KM
Smrt uslijed nezgode.....	100.000,00 KM
Invaliditet i tjelesne povrede.....	200.000,00 KM
Troškovi liječenja.....	7.000,00 KM
Dnevna naknada za boravak u bolnici uslijed nezgode.....	20,00 KM

Osiguranik se obavezuje da prilikom zaključenja ovog Ugovora dostavi Osiguravaču spisak zaposlenika za osiguranje.

Osiguranik se obavezuje da Osiguravaču dostavi promjene broja i imena zaposlenika Osiguranika i to u roku od 7 (sedam) dana od dana prijema u radni odnos, a Osiguravač se obavezuje da pokriva osiguranje zaposlenika od dana prijema u radni odnos, a ne od dana dostavljanja promjene.

U slučaju da Osiguranik blagovremeno ne dostavi spisak zaposlenika, kao dokaz da je zaposlenik bio zaposlen kod Osiguranika u vrijeme nastanka osiguranog slučaja, Osiguravač će prihvatiti kao validan dokumenat platni spisak, odnosno spisak personale službe Osiguranika.

Ugovorne strane saglasno utvrđuju da se godišnja premija osiguranja određuje na fakturi i polisi koje se izdaju za predmetno osiguranje, a na osnovu evidentiranog broja svih zaposlenih kod Osiguranika na dan izdavanja dokumentacije.

Osiguravač će izdati godišnju Polisu osiguranja koja sadrži ukupno ugovorenu premiju i osigurane sume, kao i ostale obavezne elemente Polise.

Ugovorne strane su saglasne da Osiguranik plaća premije u 12 (dvanaest) jednakih mjesečnih rata, sa rokom dospjeća do 30-og u mjesecu za prethodni mjesec.

Osiguravač se obavezuje da fakturu sačini u skladu sa Obrascem za cijenu ponude, na način da iskaže premije za svaku podorganizacionu jedinicu i ukupnu premiju.

Osiguravač će na zahtjev Osiguranika dostavljati izveštaje o iskorišćenosti ugovorenih osiguranja i ostvarenih iznosa šteta.

Osiguravač se obavezuje da će osigurane sume isplatiti u roku od 14 (četnaest) dana od dana dostavljanja prijave osiguranog slučaja od strane zaposlenika Osiguravnika sa kompletnom dokumentacijom, u skladu sa Zakonom i Uslovima za osiguranje lica.

Ugovorne strane su saglasne da po nastupanju osiguranog slučaja, zaposlenik Osiguravnika, kao korisnik osiguranja prijavljuje osigurani slučaj Osiguravaču, u pisanoj formi u roku od 15 (petnaest) radnih dana od dana nastupanja osiguranog slučaja sa kompletnom dokumentacijom ili nakon završetka liječenja i kompletiranja dokumentacije.

Ovlašteno lice Osiguravnika će pečatom i potpisom ovjeriti prijavu osiguranog slučaja koju zaposlenik podnosi Osiguravaču u cilju potvrde identiteta zaposlenika.

III. CIJENA I NAČIN PLAĆANJA

Član 3.

Ukupna visina premija osiguranja za pružanje usluge:

Lot 1: OSIGURANJE ZAPOSLENIKA OD NEZGODE na godišnjem nivou iznosi:
15.011,52 KM bez PDV-a (slovima: petnaesthiljadajedanaest KM i 52/100).

Cijena predmetne usluge iz člana 1. ovog Ugovora je nepromjenjiva za vrijeme trajanja ugovora.

IV. TRAJANJE UGOVORA

Član 4.

Ovaj Ugovor se zaključuje na period od 1 (jednu) godinu dana i primjenjivaće se od 01. 08. 2017. godine u 00:00 sati do 31. 07. 2018. godine do 24:00 sata.

Nijedna Ugovorna strana nema pravo da u potpunosti, ili djelimično prenosi svoja prava i obaveze iz ovog Ugovora, kao ni Ugovor u cjelini, na treće lice bez prethodne pisane saglasnosti druge strane, izuzev ako se radi o pravnom licu koje nastane promjenom pravnog statusa Osiguravača.

Svaka od ugovornih strana obavezuje se da u roku od 8 (osam) dana nastanka neke promjene koja na bilo koji način može uticati na odnos Ugovornih strana o tome obavijesti drugu Ugovornu stranu pisanim putem.

Ukoliko dođe do promjene pravnog statusa Osiguravača, osnivanjem novog pravnog lica, odvajanjem ili pripajanjem, u tom slučaju sva prava i obaveze po ovom Ugovoru prenose se na novo pravno lice.

Od tog momenta sva potraživanja i obaveze po ovom Ugovoru su predmet međusobnih obaveza tog pravnog lica i Osiguravača do isteka perioda važenja ovog Ugovora.

V. POSLOVNA TAJNA

Član 5.

Ugovorne strane su saglasne da se podaci, informacije i dokumentacija do kojih dođu prilikom izvršenja ovog Ugovora smatraju poslovnom tajnom, pa se obavezuju da će podatke čuvati i neće ih ni na koji način učiniti dostupnim trećim licima.

Ugovorne strane imaju obavezu čuvanja poslovne tajne i nakon prestanka ovog Ugovora. Izuzetak od stava 1. ovog člana čine podaci koji su objavljeni i dostupni javnosti.

VI. RASKID UGOVORA

Član 6.

Svaka Ugovorna strana ima pravo jednostrano raskinuti ovaj Ugovor.

Osiguranik ima pravo jednostrano raskinuti ovaj Ugovor i zadržati pravo na naknadu prouzrokovane štete, ukoliko se Osiguravač ne pridržava odredaba ovog Ugovora, kao i u slučaju ako Osiguravač iz bilo kojeg razloga izuzev više sile, dođe u situaciju da ne može izvršiti ugovorene usluge.

Obavijest o jednostranom raskidu ugovora mora se dostaviti drugoj Ugovornoj strani isključivo u pismenom obliku i obavezno navesti razlog raskida ugovora.

Otkazni rok iznosi 30 (trideset) dana.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do roka raskida ugovora.

VII. RJEŠAVANJE SPOROVA

Član 7.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

VIII. ZAVRŠNE ODREDBE

Član 8.

U skladu sa članom 72. stav (6) Zakona o javnim nabavkama BiH, Osiguravač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 9.

Ugovorne strane su saglasne da se na sve međusobne odnose koji nisu definisani ovim Ugovorom, primjenjuju odredbe Zakona o obligacionim odnosima i Uslova za osiguranje predmeta nabavke.


Član 10.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana. Svi primjerci važe kao original i imaju jednako pravno djelovanje.

ZA OSIGURANIKA:

Rektor

Prof. dr. Rifat Škrijelj



ZA OSIGURAVAČA:

v. d. d. Direktor



Marija Avdičević

Broj: 0101-3935-10-LOT 1./17
Datum: 19. 07. 2017. godine

Broj: 300A /17
Datum: 15. 07. 2017. godine